

von Wulf Wager

## Vollkommene Vrbleedong



I woiß et, was grad los isch. Irgendwie werd i des Gefühl net los, dass mir emmer bleeder werd dat ond ons deshalb au für bleed verkaufa lassat.

Dr neueschte Hit isch a Smartfonschbiel "Pokemon go". Do rennt mr mit seim Händy (des eigentlich zom telefoniera isch), halbblind durch d' Gegend ond muss kleine japanische Monschtr

fanga, die des Spiel per GPS-Navigation in die reale Welt transportiert. I ben mir ganz sicher, dass des Spiel im Zusammenhang mit leise elektrische Autos zur Ausrottung von dr Menschheit führt.

Ganz anders Thema: I vrsuach emmer, Bio-Lebensmittel zom kaufa, wenn's irgendwie goht. Aber i fend, dass Bio-Äpfel aus Peru net grad meh bio send als en Äpfel, der konventionell dohanna am Albtrauf auf de Streuobschtwiesa oder meinetwega au em Spalier am Bodasee wächst. Jetzt hane neulich mol uf die Website von Demeter guckt. Des send jo de schärfste Bio-Erzeuger em Ländle. Do stoht: „Vielmehr ist der Einsatz von biodynamischen Präparaten erforderlich. [...] Dafür wird pulverisierter Quarz in ein Kuhhorn gefüllt und von Frühjahr bis Herbst im Boden eingegraben, damit es die kosmischen Kräfte speichert. Im Herbst ausgegraben, wird der feine Hornkiesel in Wasser rhythmisch verrührt (dynamisiert) und als Spritzpräparat in feinen Tröpfchen auf den Weinberg verteilt.“

Leut, es geit Leut, die sitzat en psychiatrische Klinika für weit weniger...

Bis näggschd Woch  
Ihr

Wulf Wager

Alle Kolumnen zum Nachlesen unter: [www.woascht.de](http://www.woascht.de)